

PRIJEDLOG

Na osnovu člana 13., 24. i 28. Zakona o principima lokalne samouprave u Federaciji BiH ("Službene novine Federacije BiH", broj:49/06), člana 104. Statuta Općine Ilijaš ("Službene novine Kantona Sarajevo", broj: 20/09—prečišćeni tekst i 46/18), člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19), člana 10. stav 2. i 3. i člana 15. stav 3. i 4. Odluke o uslovima, načinu kandidiranja, održavanja izbora, dodjeli mandata u mjesnim zajednicama i razrješenju predsjednika i članova savjeta Mjesne zajednice ("Službene novine Kantona Sarajevo", broj:17/19) i Odluke o konačnim rezultatima izabranih lista članova Savjeta MZ-a Općine Ilijaš, broj:01/1-02-800-8-11/19 od 22.05.2019.godine, Općinsko vijeće Ilijaš na 2. redovnoj sjednici održanoj 04.februara 2021.godine, donosi:

O D L U K U

o izmjeni i dopuni Odluke o potvrđivanju rezultata izbora za predsjednike i članove Savjeta mjesnih zajednica na području Općine Ilijaš

U Odluci o potvrđivanju rezultata izbora za predsjednike i članove Savjeta mjesnih zajednica na području Općine Ilijaš broj:01/1-02-1115-5/19 od 29.05.2019.godine objavljene u "Službenim novinama Kantona Sarajevo", broj:24/19 član 1. mijenja se i glasi:

Član 1.

U članu 1. stav 1. alineja prva mijenja se i glasi:

" - MZ DRAGORADI

1. Dević Ismet
2. Hožbo Adnan
3. Carina Nazif
4. Čakal Hamid
5. Šečić Senaid"

U članu 1. stav 1. alineja osam mijenja se i glasi:

" - MZ ILIJAŠ GRAD

1. Dervišević Fahrudin – Fudo
2. Nevaljalović Damir
3. Kondžić Almir
4. Bikić Eldar
5. Balta Almir"

U članu 1. stav 1. alineja deset mijenja se i glasi:

" - MZ MISOČA

1. Kahrman Emrah

2. Bilal Enes
3. Matoruga Mufida
4. Ćosić Alija
5. Džafo Nedžad"

Član 2.

Ostale odredbe Odluke o potvrđivanju rezultata izbora za predsjednike i članove Savjeta mjesnih zajednica na području Općine Ilijaš ostaju nepromijenjene.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-_____-__/21
Ilijaš, 04.02.2021.godine

PREDSJEDAVAJUĆA
OPĆINSKOG VIJEĆA ILIJAŠ

Alma Omerović, BA nov.

Obrazloženje:

I - Pravni osnov

Pravni osnov za donošenje Odluke o izmjeni i dopuni Odluke o potvrđivanju rezultata izbora za predsjednike i članove Savjeta mjesih zajednica na području Općine Ilijaš sadržan je u članu 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06) kojim je propisano da Organ odlučivanja jedinice lokalne samouprave je općinsko vijeće u općini, a gradsko vijeće u gradu. Član 24. Zakona o principima lokalne samouprave u Federaciji Bosne i Hercegovine propisuje da Mjesna samouprava u jedinici lokalne samouprave se ostvaruje u mjesnoj zajednici kao obaveznom obliku mjesne samouprave koju osniva vijeće, te u gradskim četvrtima i drugim oblicima mjesne samouprave u skladu sa statutom jedinice lokalne samouprave i članu 28. kojim je propisano da Statutom mjesne zajednice, u skladu sa Statutom jedinice lokalne samouprave i aktom o osnivanju, utvrđuju se poslovi koje obavlja mjesna zajednica, organi kao i postupak izbora, organizacija i rad organa, način odlučivanja i druga pitanja od značaja za rad mjesne zajednice.

Članom 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19) definisani su propisi koje donosi Općinsko vijeće.

Članom 10., stav 2 i 3. Odluke o uslovima, načinu kandidiranja, održavanja izbora, dodjeli mandata u mjesnim zajednicama i razrješenju predsjednika i članova savjeta Mjesne zajednice ("Službene novine Kantona Sarajevo", broj: 17/19) određeno je da je nespojiva funkcija predsjednika i člana Savjeta mjesne zajednice sa funkcijom vijećnika u Općinskom vijeću Ilijaš kao i da je nespojiva funkcija predsjednika i člana Savjeta mjesne zajednice sa uposlenicima Jedinstvenog općinskog organa uprave Općine Ilijaš.

Članom 15. stav 3. definisano je da "u slučaju odbijanja prihvatanja mandata, kao i prijevremenog prestanka mandata predsjedniku Savjeta mjesne zajednice, mandat se dodjeljuje sljedećem kandidatu sa Liste, a imenovanje vrši Općinsko vijeće na prvoj narednoj sjednici Općinskog vijeća."

Članom 15. stav 4. definisano je da "U slučaju odbijanja prihvatanja mandata, kao i prijevremenog prestanka mandata članu Savjeta mjesne zajednice, mandat se dodjeljuje na način da savjet mjesne zajednice predlaže člana Savjeta (vodeći računa o teritorijalnoj pripadnosti člana koji se mijenja), a imenovanje vrši Općinsko vijeće na prvoj narednoj sjednici Općinskog vijeća."

II – Razlozi za donošenje Odluke

Centralna izborna komisija BiH je 15.12.2020.godine na svojoj 106. sjednici donijela Odluku o potvrđivanju i objavi rezultata Lokalnih izbora u Bosni i Hercegovini 2020. godine.

Služba za društvene djelatnosti i poslove mjesnih zajednica je putem protokola općine, dana 06.01.2021.godine, zaprimila ostavke Predsjednika i člana Savjeta mjesne zajednice Ilijaš Grad Hasić Kenana i Buza Kenana, te Predsjednika Savjeta mjesne zajednice Dragoradi Dilberović Denisa, zbog sukoba interesa pozicije Općinskog vijećnika i predsjednika/člana savjeta mjesne zajednice, a sve u skladu s članom 10. stav 2. i 3. i članom 15. stav 3. i 4. Odluke o uslovima, načinu kandidiranja, održavanja izbora, dodjeli mandata u mjesnim zajednicama i razrješenju predsjednika i članova savjeta Mjesne zajednica. Dana 13.01.2021.godine je Služba za društvene djelatnosti i poslove mjesnih zajednica je putem protokola općine zaprimila i zaključak Kolegija Općinskog vijeća Ilijaš

br.01/1-02-SI./21 od 13.01.2021.godine sa podnesenim ostavkama Predsjednika i člana Savjeta mjesne zajednice Ilijaš Grad. Služba za društvene djelatnosti i poslove mjesnih zajednica je putem protokola općine je 13.01.2021.godine zaprimila ostavku Mešetović Jasmina na mjesto člana Savjeta mjesne zajednice Misoča zbog nespojivosti funkcije člana savjeta MZ i radnog mjesta.

Iz dostavljenih ostavki predsjednika Savjeta mjesne zajednice Ilijaš Grad Hasić Kenan, člana Savjeta mjesne zajednice Ilijaš Grad Buza Kenan, predsjednika Savjeta mjesne zajednice Dragoradi Dilberović Denis i člana Savjeta mjesne zajednice Misoča Mešetović Jasmin je vidljivo da se radi o nespojivosti funkcija, a sve u skladu s Odlukom o uslovima, načinu kandidiranja, održavanja izbora, dodjeli mandata u mjesnim zajednicama i razrješenju predsjednika i članova savjeta Mjesne zajednica član 10. stav 2. i stav 3.

Postupajući u skladu s aktom zaprimljenim od strane Mjesne zajednice Ilijaš Grad br:07-45-I-105/20 od 15.01.2021.godine, Mjesne zajednice Misoča br:07-45-VI-70/21 od 20.01.2021.godine i Mjesne zajednice Dragoradi br:07-45-IX-3/21 od 06.01.2021.godine i dostavljenim prijedlozima za popuna članova Savjeta mjesne zajednice Ilijaš Grad predloženo je kao u dispozitivu odluke.

III – Finansijska sredstva za provođenje Odluke

Finansijska sredstva za provođenje Odluke obezbijedit će se u Budžetu Općine Ilijaš.

Predlagač Odluke o izmjeni i dopuni odluke o potvrđivanju rezultata izbora za predsjednike i članove Savjeta mjesnih zajednica na području Općine Ilijaš je Općinski načelnik shodno odredbi člana 113. Poslovnika Općinskog vijeća Ilijaš ("Službene novine Kantona Sarajevo", broj: 02/10, 18/15 i 7/19).

Obrađivač Odluke je Služba za društvene djelatnosti i poslove mjesnih zajednica Općine Ilijaš.

Predlažemo Općinskom vijeću Ilijaš da Odluku o izmjeni i dopuni Odluke o potvrđivanju rezultata izbora za predsjednike i članove Savjeta mjesnih zajednica na području Općine Ilijaš donese u predloženom tekstu.